

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. उपराज्यपाल मनोज सिन्हा होरें श्रीनगर च सी.आई.आई उत्तरी क्षेत्र परिषद दी 4थी बैठक गी संबोधित कीता। जम्मू-कश्मीर च औद्योगिक विकास गी बढ़ावा देने लेई निजी क्षेत्र गी अगगे औने दा बी कीता आह्वान।
2. मुखमंत्री उमर अब्दुल्ला होरें हाड प्रभावित जम्मू-कश्मीर लेई केंद्र थमां इक निगर राहत पैकेज दी मंग कीती ऐ।
3. उपमुखमंत्री सुरिंद्र चौधरी होरें जम्मू प्रांतै च पालीटेक्निक कालजें ते आई.टाई.आई संस्थानें दे शैक्षणिक, ढांचागत ते प्रशासनिक पैहलकदमिणं दा जायजा लैता। असरदार म्यारी ते तकनीकी शिक्षा पर जोर दिता।
4. राई-बाई मैहकमे दे मंत्री जावेद डार होरें कोलकाता च लग्गी दी राईबाई क्षेत्र दे उत्पादकें ते खरीदारें दे सम्मेलन च हिस्सा लैता।
5. ते एशिया कप टी-20 दे दुए सुपर फोर मुकाबले च अज्ज भारत ते पाकिस्तान दियां टीमां आमने-सामने होडन।

<><><><><><>

LG-Council Meet

उपराज्यपाल मनोज सिन्हा होरें कल श्रीनगर च सी.आई.आई दी उत्तरी क्षेत्रीय काउंसल दी चौथी बैठक गी संबोधित कीता। इस मौके पर बोलदे होई उनें आक्खेआ जे जम्मू-कश्मीर च उद्योगिक विकास गी रफ्तार देना प्रधानमंत्री नरेन्द्र मोदी हुंदी सभ्मनें शा बड्डी प्राथमिकता ऐ। उनें बड्डे कारपोरेशनें, कारोबारी घरानें ते लौहके, भलेआं लौहके ते दरम्याने उद्यमें गी गुजारिश कीती जे ओहू इस क्षेत्र दे औद्योगिक विकास च सहयोग देन। लेफिटनेंट गवर्नर होरें अनुसंधान, नवाचार ते निर्यात च निजी निवेश दे महत्व पर जोर पाया, खासतौर उप्पर लौहके, भलेआं लौहके ते दरम्याने उद्यम, हस्तशिल्प ते नमीं तकनीकें दे क्षेत्र। उनें गलाया जे जम्मू-कश्मीर च सूक्ष्म ते लौहके उद्योगें च कुल संसारी समर्थ ऐ ते समावेशी विकास गी बढ़ावा देने लेई उद्योगीकरण गी पंचैत स्तर तगर पजाने दी वकालत कीती।

इस मीटिंग च मुखमंत्री उमर अब्दुल्ला होर बी मौजूद हे। अपने संबोधन दौरान उनें जम्मू-कश्मीर च विकास लेई इक संतुलित नजरिया अपनाने दा आह्वान कीता जेह्दे कन्नै सैलसफा कन्नै औद्योगिक विकास गी बी जोड़ेआ जाई सकै।



CM-Assistance

मुख्यमंत्री उमर अब्दुल्ला होंरें जम्मू-कश्मीर च आए दे चानचक्क हाडें ते बरखें करी होए दे नुकसान गितै केंद्री सहायता दी मंग करदे होई मेद प्रगट कीती ऐ जे केंद्र सरकार केंद्र शासित प्रदेश दे हाड प्रभावितें लेई जरूर कुसै बड्डे राहत पैकज दी घोषणा करोग। कल मीडियां कर्मिणं कन्नै गल्लबात करदे होई मंत्री होंरें आखेआ जे इनें कुदरती करोपिणं करसानें, बागवाने, सार्वजनिक ढांचे ते जन संपत्तिणं गी बडा मता नुकसान पुजाया ऐ। उनें मेद प्रगट कीती जे प्रधानमंत्री नरेंद्र मोदी होर हालात दा आपूं जायजा लेइयै जरूर कुसै बड्डे ते असरदार पैकेज दी घोषणा करडन तां जे प्रभावित इलाकें ते लोकें गी राहत पुज्जी सकै। उनें आखेआ।

.....बाईट.....



Dy Cm Polytechnic

उपमुख्यमंत्री सुरेंद्र चौधरी होंरें जम्मू संभाग दे पालीटेक्निक कालजें ते आई.टी.आई संस्थानें दी शैक्षणिक, ढांचागत ते प्रशासनिक प्रगति दा तफसीली जायजा लैने लेई कल जम्मू दे पालीटेक्निक कालेज च इक व्यापक जायजा बैठक दी अध्यक्षता कीती। इस दरान म्यारी शिक्षा ते उद्योगें कन्नै संपर्क राणं बेहतर सिखलाई ते कम्म-रोजगार दे मौके दिणं संभावनाणं गी यकीनी बनाने दी जरूरतै पर जोर दिंदे होई नोजोआनें गी मता समर्थवान ते हुनरमंद बनाने दा आह्वान कीता। उपमुख्यमंत्री होंरें मिशन युवा ते प्रधानमंत्री कौशल विकास योजना जनेइणं स्कीमें दी समीक्षा करदे होई अधिकारिणं गी निर्देश दित्ता जे ओह इनें स्कीमें तैहत बकाया रौहंदे कम्में गी तौले पूरा करना। उपमुख्यमंत्री होंरें हुनर विकास ते नमिणं काहडें गी बढावा देने दे जत्तें दी सरहना करदे होई सरकार दी तरफा खित्ते च तकनीकी शिक्षा गी हर चाल्ली दे समर्थन दा यकीन दोआया, मीडिया कन्नै गल्ल करदे होई उंदा आखना हा।

.....बाईट.....



Sewa-parv

मुख्य भरै च मनाए जा'रदे सेवा पर्व पैहलकदमी दे तैहत अज्ज अस दस्सने आं जे किस चाल्ली मोदी सरकार टैक्स सुधारें ते पैशन सुरक्षा दे राणं मध्यम वर्ग गी समर्थन देना जारी रक्खा'रदी ऐ। इक बड्डी राहत एह ऐ जे हर ब'रे 12 लक्ख रपें तक्कर दी कमाई करने आहले व्यक्तिणं गी हून आयकर थमां छूट दित्ती गेई ऐ, एहदे अलावा इस दायरे च पूंजीगत लाभ जनेही खास आमदनी बी शामिल नेई ऐ। रिटर्न प्रक्रिया गी सरल बनाना ते टैक्स दरें च कमी करना जीवन गी सखल्ला बनाने लेई सरकार दे समर्पण गी दर्शादा ऐ। एह सुधार, 2025-26

दे केंद्रीय बजट दा हिस्सा न, मध्यम वर्ग च रक्खे गेदे भरोसे गी रेखांकित करदे न, जिसे भारत दे विकास दी बुनियाद मन्नेआ जंदा ऐ।

<><><><><><>

ते हुन बाकि दिएं खबरें कन्नै जगमोहन शर्मा।

Dar Buyer Seller Meet

राई-बाई मैहकमे दे मंत्री जावेद अहमद डार होरें कोलकाता च कृषि क्षेत्र दे खरीदारें ते बेचने आह्लें दे इक सम्मेलन च हिस्सा लैता तां जे जम्मू-कश्मीर दे करसानें आस्तै राष्ट्री स्तर दे बजार तगर पुज्ज गी बढावा दिता जाई सकें बागवानी, योजना ते मार्केटिंग मैहकमे आसेआ आयोजित इस कार्यक्रम दा मकसद करसानें गी सिद्धे खरीदारें कन्नै जोड़िये राई-बाई ते बागवानी सैक्टर गी बढावा देना ऐ। इस कार्यक्रम च पच्छिम बंगाल दे अधिकारियें ते खरीददारें सने 300 शा मते हितधारें हिस्सा लैता। बैठक च उत्पादें ते बजारें बश्कार बित्थ गी पूरने, करसानें दी औंदन बधाने ते जम्मू-कश्मीर दे पूरे-पराते आर्थिक विकास च योगदान देने पर ध्यान केंद्रित कीता गेआ।

<><><><><><>

GST-Reforms

सरकार आसेया हाल च नमीं पीढी दे GST सुधार लागू करने दी घोषणा दा जम्मू-कश्मीर च हर वर्ग आसेया सुआगत कीता जा'रदा ऐ ते इन्दे कन्नै आम लोकें गी खासी राहत थ्होग। GST परिषद नै दो पहिया ते लौहकी गड्डियें गी 28 फीसद दी स्लैब थवां कड्डियै 18 फीसद दी स्लैब च पाया ऐ, जेदे कन्नै इंदी कीमतें च कमी होग ते मध्यम वर्ग दे लोकें गी राहत हासल होग। इस गैहू कन्नै मेद ऐ जे ऑटो सैक्टर गी बढावा थ्होग ते उत्पादन, बिक्री ते सेवा आहले क्षेत्र च रोजगार दे नमे ते मते मौके पैदा होडन, नमें सिरेया तय कीती गेदियां दरां कल्लै थवां लागू होई जागंन। लोकें दा आखना ऐ.....(बाईट)

<><><><><><>

Div Com Highway

जम्मू दे डिविजनल कमिशनर रमेश कुमार होरें राष्ट्री जरनैली शिडक एनएच-44 पर थरड थाहर सडकै दे नुकसान पुज्जे दे हिस्से दा निरीक्षण कीता ते उत्थे जारी कम्में दा जायजा लैता। सडकै गी ठीक करियै गड्डियें दी आओजाई बवस्थित करने दा कम्म उत्थै बरोबर जारी ऐ। दौरे दरान उन्दे कन्नै राष्ट्री जरनैली शिडकें सरबंधी भारती प्राधिकरण एन.एच.ए.आई., पुलस ते सिविल प्रशासन दे बड्डे अधिकारी बी गेदे हे। इस दरान उनें

सड़कें गी चैड़ा करने ते इक बादरू रस्ता बनाने दे कम्मे दा बी निरीक्षण कीता। डिविजनल कमिशनर होरें एच.एच.ए.आई गी निर्देश दित्ता जे 300 मीटर लम्मे इस हिस्से गी गड्डिणं दी आओजाई लेई परतियै बहाल करने दे कम्मे च तेजी आंहदी जा। इस बारे होर मती जानकारी देआ'रदे न स्हाड़े जिला संवाददाता।

<><><><><><>

Asia Cup

दुबई च एशिया कप टी-20 क्रिकेट च अज्ज भारत दा सामना पाकिस्तान कन्नै होगा। एह मैच भारतीय समें मूजब रातीं 8 बजे थमां शुरू होगा। प्रतियोगिता च दौनें टीमें बश्कार एह दुआ मुकाबला होगा। भारत नै पिछले हफ्ते होए दे मुकाबले च पाकिस्तान पर 7 विकटें कन्नै शानदार जित्त हासल कीती। एशिया कप दे इतिहास च भारत सब्बने थमां सफल टीम रेई दी ऐ जिन्नै 8 बारी खिताब अपने नाऽ कीता। एहदे बाद श्रीलंका नै 6 बारी ते पाकिस्तान नै छड़ा 2 बारी एह प्रतियोगिता जित्ती ऐ।

<><><><><><>